

ЎЗБЕКИСТОН ПРЕЗИДЕНТИ ХАВФСИЗЛИК КЕНГАШИНИНГ КЕНГАЙТИРИЛГАН ЙИҒИЛИШИНИ ЎТКАЗДИ

Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев раислигида 12 январь куни Хавфсизлик кенгашининг Қуролли Кучлар ва ҳарбий-маъмурий секторларнинг 2023 йилдаги фаолияти якунлари ва яқин истиқболга мўлжалланган вазифалар муҳокамасига бағишланган кенгайтирилган йиғилиши бўлиб ўтди.



Мажлисида Хавфсизлик кенгаши аъзолари, Ўзбекистон Республикаси Қуролли Кучлари таркибига қирадиган вазирлик ва идоралар раҳбарлари, округлар қўмондонлари, ҳарбий-маъмурий секторлар раҳбарлари – Қорақалпоғистон Рес-

публикаси Жўқорғи Кенгеси Раиси, вилоятлар ва Тошкент шаҳри ҳокимлари ҳамда жамоат ташкилотлари вакиллари иштирок этди. Йиғилиш аввалида давлатимиз раҳбари мамлакатимиз мудофаа қобилиятини янада мустаҳкам-

лаш ва Қуролли Кучларни ривожлантириш борасида 2023 йилда амалга оширилган ишларнинг натижаларини таҳлил қилди. Вазирлик ва идоралар, маҳаллий давлат ҳокимияти органларининг бу йўналишдаги фаолияти

танқидий кўриб чиқилди, мутасадди раҳбарларнинг ҳисоботлари тингланди.

Ҳарбий хизматчилар ва ёшларни ватанпарварлик руҳида тарбиялаш тизимини такомиллаштириш, миллий армиямизни янада ривожлантириш ва мамлакатимиз мудофаа қобилиятини мустаҳкамлаш, ҳарбий-маъмурий секторларни мудофаа саноати фаолияти самардорлигини ошириш масалалари муҳокама қилинди.

Глобаллашув жараёнлари ҳамда одамлар, айниқса, ёш авлоднинг қалби ва онги учун қураш кучайиб бораётган ҳозирги ўта мураккаб шароитда ҳарбий-ватанпарварлик руҳидаги тарбиянинг ўрни ва аҳамияти тобора ортиб бораётгани алоҳида таъкидланди.

– Бугунги кунда ҳар биримиз амалда Ватан ҳимоячиси бўлишимиз, ёшларимизни ҳам шу руҳда камол топтиришимиз зарур, – деди Президентимиз.

Шу муносабат билан давлатимиз раҳбари ёшларни ҳарбий-ватанпарварлик руҳида тарбиялаш тизимини қайта кўриб чиқиш юзасидан тегишли мутасаддиларга аниқ топшириқлар берди. Навқирон авлод вакилларининг юртимиздаги ислохотлар жараёнидаги иштирокини ошириш, улар ўз интеллектуал ва ижодий салоҳиятини рўёбга чиқариши учун шароитлар яратиш муҳимлигига эътибор қаратди.

Ҳозирги кунда Қуролли Кучлар-

нинг замонавий инфратузилмаси негизда ва мономарказларда ёшларни ҳарбий-ватанпарварлик руҳида тарбиялаш борасидаги ишлар йўлга қўйилган. Давлатимиз раҳбари бу йўналишдаги тадбирларни кенгайтириб, ёшларни замонавий касбларга ўқитиш ва меҳнат фаолиятини бошлаши учун субсидиялар орқали қўллаб-қувватлаш зарурлигини қайд этди.

Шунингдек, ёшларнинг фуқаролик позициясини мустаҳкамлаш мақсадида медиа маконда олиб борилаётган ҳарбий-ватанпарварлик руҳидаги ишларни кучайтириш вазифаси қўйилди.

Мажлисида мамлакатимиз мудофаа кудратини мустаҳкамлаш, қўшинларнинг ҳарбий тайёргарлигини ошириш ҳамда ҳарбий илм-фанни ривожлантириш масалалари ҳам кўриб чиқилди. Олий Бош Қўмондон жанговар тайёргарлик тизимини инновацион ва илмий ёндашувлар асосида янада такомиллаштириш, ахборот алмашинуви ва қарорлар қабул қилиш бўйича замонавий ҳарбий ва илмий ишланмаларни амалга кенг жорий этиш бўйича топшириқлар берди.

Йиғилишда ахборот хавфсизлиги ва киберхавфсизликни таъминлаш миллий хавфсизлик соҳасидаги муҳим вазифа бўлиб қолишига урғу берилди.

Бу борада Қуролли Кучлар ва ҳуқуқни муҳофаза қилиш органларини рақамлаштиришни жадал-

лаштириш, вазирлик ва идораларнинг барча ахборот ресурсларини ягона хавфсиз ахборот маконига бирлаштириш зарурлиги кўрсатиб ўтилди.

Миллий армиямизда ва халқимиз ўртасида киберхавфсизлик борасидаги огоҳликни ва рақамли маданиятни ошириш бўйича тизимли ишларни йўлга қўйиш юзасидан энг муҳим вазифалар белгилаб олинди.

Хавфсизлик кенгаши йиғилишида мамлакатимиз мудофаа саноати мажмуасини янада ривожлантириш, давлат чегараларини қўриқлаш тизимини такомиллаштириш, жамоат хавфсизлигини таъминлаш, фавқулодда вазиятларни прогноз ва мониторинг қилиш, авария ва техноген ҳалокатларнинг олдини олиш борасидаги ишлар самардорлигини ошириш бўйича ҳам долзарб вазифалар кўрсатиб ўтилди.

Президентимиз ҳарбий хизматчилар ва уларнинг оила аъзоларини ижтимоий қўллаб-қувватлаш ва уларга ғамхўрлик кўрсатиш давлат сиёсатининг муҳим йўналиши бўлиб қолишини қайд этди.

Йиғилиш якунида давлатимиз раҳбари барча ҳарбийларни, бутун халқимизни Ўзбекистон Республикаси Қуролли Кучлари ташкил этилганининг 32 йиллиги ва Ватан ҳимоячилари куни билан самимий табриқлаб, эзгу тилақларини билдирди.

ЎЗА



Тошкент шаҳри Учрашув

ТАЛАБАЛАР БИЛАН ОЧИҚ МУЛОҚОТ

Меҳнат ва ижтимоий муносабатлар академиясида ректор ва талабалар учрашуви бўлиб ўтди. Унда ўқиш жараёнида йўл қўйилаётган айрим муаммолар, таълим сифатини янада яхшилаш хусусида сўз борди.

Маълумки, ёшларнинг ўй-хаёллари, орзу-ҳавасларини билиш, уларни қийнаётган муаммоларни теран англаш ва ўз вақтида ҳал этиш ва зарур чоралар кўриш талабаларда келажакка бўлган ишонч мустаҳкамланишига хизмат қилади.

– Ёшларга оид давлат сиёсатининг моҳиятида ҳам айнан шу мақсадлар ётади, – деди Меҳнат ва ижтимоий муносабатлар академияси ректори Сайфулла Аҳмедов. – Ёшларнинг муаммоларини ўрганиш ва ҳал этишнинг энг самарали усули эса бевосита улар билан учрашувлар ташкил этиш, фикрига қўлоқ тутишдир.

Учрашув давомида талабалар томонидан фанлар бўйича ўқув лабораторияларини ташкил этиш ва жиҳозлаш, тўғарак ва хорижий тил курсларини йўлга қўйиш, ахборот ресурс маркази китоб фондиди янада бойитиш, спорт билан шуғулланиш учун кенг имкониятлар яратиш каби таклифлар илгари сурилди.

Тадбир якунида ўртага ташланган муаммоларни ҳал этиш, билдирилган ташаббусларни амалга ошириш бўйича тегишли кўрсатмалар берилди ва чора-тадбирлар дастури ишлаб чиқилди.

Ўз мухбиримиз



ЖИЛОВЛАНМАГАН ТАФАККУР ЖИЛОЛАРИ

Бугун адабиёт ва тилимизнинг жонкуярлари кўп. Аммо ҳамма ҳам адабиётшунос олим, педагогика фанлари доктори Қозоқбой Йўлдошдек тилимизни қадрлашда ўрнак, намуна бўла олмайдими. Бу инсон адабиётни ўқитишда аниқ таклиф ва ечимлар айта оладиган, адабиёт орқали инсонни тарбиялашнинг назарий ва амалий асосларини таҳлил қилиб берадиган санокли олимларимиздан бири.



Пойтахтимиздаги Миллий матбуот марказида олимнинг «Жиловланмаган тафаккур маҳсули» китоби тақдимоти бўлиб ўтди. Китоб - адабиёт таълими ва педагогика ҳақида. Китобда ўқувчиларга адабиётни қандай ўқитиш, севириш кераклиги, усуллари, методикаси ҳақида сўз боради. Унда таълимга оид ўринли фикрлар, оғрикли мулоҳазалар ҳам бор. Масалан, муаллим шундай дейди:

«Миллий асосларга таянмайдиган педагогика тарбияланувчига гўё ёзилмаган оппоқ қоғоз деб қарайди. Ва унга ўзи истаган сифатларни ёзмақчи бўлади. Аммо харчанд зўриқмасин, ниятига эриша олмайдими. Чунки у боланинг табиатини, унинг шахсияти шаклланишнинг муҳитининг ўзига хос жиҳатларини мутлақо ҳисобга олмайдими. Бундай педагогика болага одам деб қарамайди. Уни таълим-тарбиянинг объекти дебгина қарайди».

Яна бир ўринда эса «Ўқувчидан фақат тўғри фикрлашни талаб қилиш унинг фикрлашини чеклашга олиб келади... Жиловланмаган тафаккур гина кутилган маҳсулни беради», дейди.

Тақдимотда адабиётшунос олим Зухриддин Исомиддинов, шоирлардан Абдунаби Бойқўзиев, Ҳаёт Шодмон, адиблардан Адҳамбек Алимбеков, Қўчқор Норқобил, Хусан Эрматов, Хусан Карвонли ва адабиёт таълими бўйича Ҳошим Аҳмедов ҳамда Маҳмуда Валиева каби устоз педагоглар сўзга чиқиди. Улар китоб муаллифининг мушоҳадлари ва адабий ўйларига, таълим ва педагогика борасидаги таклифларига, шу билан бирга, адибнинг миллатимиз ва ўзбек тилининг жонкуяри сифатидаги фаолиятига юқори баҳо беришди. «Жиловланмаган тафаккур маҳсули» китоби адабий таълим учун энг қимматли манбалардан бири бўлиши эътироф этилди.

Жумладан, Хусан Карвонли «Қозоқбой Йўлдош ҳақиқий ўзбек бобо. Чунки айримлар тил жонкуяри сифатида гапиришса-да, амалда доим ҳам ўзбек тилини қадрлайвермайди. Аммо Қозоқбой Йўлдош бундайлардан эмас. У тилимизни асраб-авайлашда, қадрлашда барчамизга ўрнак, намуна бўла олади», деди.

Тақдимот сўнггида олим тадбир ташкилотчиларига миннатдорлик билдирар экан, адабиёт ва тил борасида муаммолар кўпайиб кетаётгани, ёшларга адабиётни севириш олмаётганимиз сабаблари ҳақида фикр билдириб, улар юзасидан ўз таклифларини айтиб ўтди.

Забинисо ЯНГИБОЕВА.
Эъзада УМРЗОҚОВА олган суратлар

Тошкент шаҳри

ФИДОЙИ ФАРЗАНДЛАР УНУТИЛМАЙДИ

Қуроли кучлар академиясида 14 январь – Ватан ҳимоячилари куни муносабати билан «Ватан фидойи фарзандларини унутмайди» мавзусида тадбир ўтказилди. «Қасаба уюшмалари – ҳарбийларга» акцияси доирасида ташкил этилган анжуманда академия профессор ўқитувчилари, курсант ва тингловчилари, Ўзбекистон қасаба уюшмалари Федерациясининг Тошкент шаҳар кенгаши масъуллари ва қасаба уюшма фаоллари иштирок этди.

Тадбирда Мудофаа вазирлиги бирлашган қасаба уюшма кўмитаси раиси Алишер Қиличев Ўзбекистон Республикаси Қуроли кучлари ташкил этилганлигининг 32 йиллиги ҳамда Ватан ҳимоячилари куни муносабати билан йиғилганларни табриклаб, сўнгги йилларда миллий армиямизнинг қиёфаси ва салоҳияти тубдан ўзгарганини айтиб ўтди.

Таъкидланганидек, дунёда юзага келган ҳозирги мураккаб вазиятда Ватанамиз мустақиллиги, ҳудудий яхлитлигини таъминлаш, жамиятимизда ҳукм сураётган тинчлик ва хотиржамликни асраб-авайлаш кераклигини чуқур англаб етмоғимиз жоиш. Шу жумладан, «2022-2026 йилларга мўлжаллан-

ган Янги Ўзбекистоннинг таълим стратегияси»да ҳам юртимиз мудофаа салоҳиятини янада мустаҳкамлаш ва Қуроли кучларимизни янада ривожлантиришни устувор йўналишлардан бири этиб белгилангани ҳам бежиз эмас. Ушбу стратегияда Қуроли кучларнинг тезкор бошқарувини амалга ошириш, миллий армиямизни замонавий қурол-яроғ ва ҳарбий техникалар билан таъминлаш, ҳарбий хизматчиларнинг жанговар тайёргарлигини янада ошириш бўйича ҳам аниқ вазифалар белгилаб берилган.

– Қасаба уюшмалари кўп йиллардан буён ҳуқуқни муҳофаза қилувчи органлар ходимлари ва ҳарбийларни турли байрам саналари муносабати

билан қутлаб, ҳар томонлама қўллаб-қувватлаб келаётган, – дейди Ўзбекистон қасаба уюшмалари Федерациясининг Тошкент шаҳар кенгаши раиси Сайфулла Аҳмедов. – Айниса, хизмат вазифасини бажариш вақтида халқ бўлган ҳарбий хизматчилар ва ички ишлар ходимларининг оилалари ҳаммиша эътибор марказимизда. Фурсатдан фойдаланиб, шонли айём арафасида мамлакатимиз тинчлиги ва хавфсизлиги йўлида фидоқорона хизмат қиладиган ҳар бир шахсни Ўзбекистон қасаба уюшмалари Федерацияси номидан самимий муборакбод этаман.

Ғулмужон МИРАХМЕДОВ
«ISHONCH»

Тадбир



Қорақалпоғистон Республикаси

Қувонч

ҲАРБИЙЛАРГА БАЙРАМ ТУҲФАСИ

Тахташ туманидаги Мудофаа вазирлиги Тоифаланган объектларни қўриқлаш қўшинлари қўмондонлигига қарашли ҳарбий қисмларнинг бирида янгидан қурилган маданият маркази, тренажёр зали ҳамда жанговар машиналарни сақлаш бокси тантанали тарзда фойдаланишга топширилди.



лари учун узоқ муддатли имтиёзли ипотека кредити асосида тантанали тарзда фойдаланишга топширилди.

Янги хонадон қалитларини топшириш маросимида Шимоли-ғарбий ҳарбий округ қўшинлари қўмондони генерал-майор Фарҳоджон Шерматов, Қорақалпоғистон Республикаси Вазирлар Кенгаши раисининг туризм, маданият, маданий мерос ва оммавий коммуникациялар масалалари бўйича ўринбосари – Туризм ва маданий мерос бўйича ўринбосари Расул Зарикеев, шаҳар ҳокимлиги, Нукус ҳарбий прокуратураси раҳбарияти, ҳарбий хизматчилар оилалари ҳамда жамоатчилик вакиллари иштирок этди.

Шу кунлари Нукус шаҳридаги «Якка тирак» маҳалласида қурилган 16 қаватли биналардан ҳарбий хизматчиларга ҳам имтиёзли ипотека кредитлари асосида хонадонлар берилиши Ватан ҳимоячиларига ўзгача байрам туҳфаси бўлди.

Бу каби эътибор ва ғамхўрликлар мард ўғлонларимизнинг Ватанамиз сарҳадларини муносиб ҳимоя қилиш ва ўз бурчларини сийқидилдан адо этишларига замин яратди, албатта.

Фотима АБДУРАЙМОВА
«ISHONCH»

Шуқуш

МАРДЛАР ҚЎРИҚЛАЙДИ ВАТАННИ

Кимё ва фармацевтика sanoati ходимлари қасаба уюшмаси тизимидаги «Навойазот» АЖ корхонасида «Янги Ўзбекистон армияси –

мамлакат қудрати, юксак ғурур ва садоқат тимсолидир!» шiori остида байрам тадбирлари, кўрик-танловлар ва спорт мусобақалари ташкил этилмоқда.

Марказий ҳарбий округнинг Н-ҳарбий қисм хизматчилари ва корхона ходимлари иштирокида бошланган тантанавор тадбирлар дастурини ҳарбий оркестр садолари янада бойитди. Шунингдек, ҳарбий хизматчиларнинг жанговар тайёргарлиги акс этган чиқишлари ва ёшларни замонавий қурол-аслаҳалар билан яқиндан таништиришга йўналтирилган кўргазма ташкил этилди.

Тадбирлар доирасида жамият ходимлари ва ёшлар миллий гвардиянинг Навой вилoяти бошқармасида бўлишди. Иштирокчиларга соҳа вакиллари фаолияти ва муддатли ҳарбий хизматни

Шавкат ТОИРОВ,
Кимё ва фармацевтика sanoati ходимлари қасаба уюшмаси Республика кенгаши раисининг ёшлар масалалари бўйича маслаҳатчиси



Навой вилoяти

Эътибор

ЮРТ ҲИМОЯСИ ИШОНЧЛИ ҚЎЛЛАРДА

Ўзбекистон қасаба уюшмалари Федерациясининг Навой вилoяти кенгашида 14 январь – Ватан ҳимоячилари куни муносабати билан «Н» қисмда хизмат қиладиган офицерлар ва аскарлар, мудофаа тизими фахрийлари ҳамда кенг жамоатчилик вакиллари иштирокида маънавий-маърифий тадбир ўтказилди.

«Янги Ўзбекистон армияси амалқат қудрати, юксак ғурур ва садоқат тимсолидир» шiori остида ташкил қилинган мазкур байрамона тадбирни илoлат кенгаши раҳбари Назира Тоғаева кириш сўзи билан очар экан, йиғилганларни ҳарбийлар байрами билан самимий табриклади. Ватанамиз мудофааси ишончли қўлларда эканига алоҳида тўхтади.

Шундан сўнг сўзга чиққан ҳарбийлар бугунги кунда ватан ҳимоясини мустаҳкамлаш, мамлакатимиз ҳарбий салоҳиятини юксалтириш борасида Президентимиз томонидан олиб бoриладиган стратегият, яратилган

шарт-шароитлар, шонли армиямизнинг қўлга киритаётган ютуқлари ва салоҳияти нафақат Марказий Осиё, балки дунёдаги ривожланган давлатлар ҳарбийлари ва сиёсатчилари ҳам алоҳида эътироф этишаётганини мамнуният билан таъкидлашди.

Тадбир сўнггида ҳарбий оркестр миллий ва ҳарбий кўйларини ижро этди. Хизматдаги офицер ва аскарларга, фахрийларга Ўзбекистон қасаба уюшмалари Федерацияси Навой вилoяти кенгашининг эсдалик совғалари топширилди.

Нормурод МУСОМОВ
«ISHONCH»



14
YANVAR



Маҳорат

ЖАНГОВАР МАШҒУЛОТЛАРДА ЯНГИЧА ҚАРАШ, ЯНГИЧА ЁНДАШУВ

Бугунги ахборот асрида кўп эмас, бор-йўғи бир кун виртуал оламдан узилиб қолсангиз борми, ўзингизни замондан ортда қолиб кетгандек ҳис қила бошлайсиз. Кўча-кўйда, дўстлар даврасида улар тилидаги мавзуларга нисбатан бегоналик ҳис этасиз. Чунки сизда озми-кўпми инфорацион бўшлиқ бор.

Шундан келиб чиқиб айтиш мумкин, ҳарбий хизматчиларнинг нормал фаолиятидаги бир кунлик танафус ҳам реал вазиятларда улар учун қимматга тушиши мумкин.

Шу боис ҳарбий қисмларда маънавий-маърифий, ахлоқий-руҳий ва жанговар тайёргарлик машғулотлари қатъий режа асосида тизимли ўтказиб келинмоқда.

Шу ўринда яна бир мулоҳаза. Барчамиз кундалик ҳаётда уяли алоқа воситаларидан кенг фойдаланамиз. Эътибор берган бўлсангиз, вақти-вақти билан телефонга дастурларнинг эскиргани ва уни янгилашингиз (обновление) кераклиги ҳақида хабар келади. Табиийки, янги дастур сизга янги имконият ва қулайликлар тақдим этади. Мана шу оддий мисол ҳам Куролли Кучлар тизимидаги жанг услубиятининг замонавий кўринишлари ўзлаштириш, янгича қараш ва фикрлашнинг нақадар муҳим эканлигини кўрсатиб турибди. Жойларда ўтказилаётган жанговар тайёргарлик машғулотларида эса бунга устувор масала сифатида қаралмоқда.

Ҳарбий хизматчи учун энг муҳим жиҳат унинг руҳий ва жанговар барқарорлиги, албатта. Бунда олинган назарий билимларнинг амалий синови муҳим ўрин тутади. Ҳақиқий жанг ҳолатига яқин муҳит яратилган дала-ўқув майдонида олиб борилган жанговар тайёргарлик машғулотлари ҳарбий хизматчиларнинг жасорати, матонати ва маҳоратини сайқаллайди. Бажариш мураккаб, ўтиш мушкул бўлган тўсиқлар узра тез ва тўғри ҳаракатланиш узок олиб борилган машғулотлар натижасида бўй кўрсатади.

Янгича ғоя ва ташаббуслар билан ташкил этилаётган ўқув машғулотлари юрт ўғлонларини реал вазиятларда аниқ ва тезкор ҳаракат қилишига замин яратади.

Исломжон ҚўЧҚОРОВ,
катта лейтенант



Фахр

МИЛЛАТ ҒУРУРИ

Ўзбек халқи ўғил бола тарбиясида энг нозик жиҳатга, яъни унда ғурур, орият туйғусини шакллантиришга қадим-қадимдан катта эътибор қаратиб келади.

Ўзбек хонадонидида ўғил фарзанд дунёга келса, «Авлодимнинг давомчиси туғилди» дея хурсанд бўлишади. Миллатимиз турмуш тарзига хос боқий анъаналар олимларимиз тадқиқотида ҳам ўрганилган. Ўғил боланинг ўз «мен»ини англаши илк ёшидананоқ намоён бўла бошлайди. Мард, жасур, қатъиятли, ғурурли йигит – миллат фахри, ғурури. Ўғил болани мустақил ҳаётга тайёрлаш, эркакка хос фазилатларни эгаллашига кўмаклашиш, таълим олиб, касб-хунар эгаллаши учун қайғуриш фақат ота-она гарданидаги вазифа эмас, бу кенг жамоатчиликка ҳам тегишлидир. Академик шоир Ғафур Ғулум таъкидлаганидек, «Йигит омон бўлса кўргон саломат»дир.

– Ҳеч эътибор берганмисиз, ўғил болаларга «Ким бўлмоқчисан?» деб юзлансангиз, кўпчилиги «Ҳарбий бўламан!» деб қатъий оҳангда жавоб беришади. Ўғил фарзандларимизнинг деярли барчаси эгнига ҳарбийлик кийимини кийиб, Ватан сарҳадларини ҳимоя қилишни кўнглига тутади, – дейди Фарғона вилоятида жойлашган «Темурбеклар мактаби» директори, подполковник Бекзод Ҳикматов. – Мактабимизда ўқиб, ўзини мустақил ҳаётга тайёрлаётган 300 нафар ўқувчи айнан шу руҳда тарбияланмоқда. Президентимизнинг 2017 йил 5 июлдаги «Ёшларга оид давлат сиёсати самарадорлигини ошириш ва Ўзбекистон ёшлар иттифоқи фаолиятини қўллаб-қувватлаш тўғрисида»ги фармони бандларидан бирида республикамиздаги барча ҳарбий академик лицейларга «Темурбеклар мактаби» номи берилиши белгилаб қўйилди. Соҳибқирон Амир Темурдек азми қатъий, шижоатли, мард ўғлонларни тарбиялаш давр талаби бўлгани учун ҳам 2017-2018 ўқув йилидан бошлаб бу йўналишдаги барча лицейлар ана шу ном билан аталмоқда. Мактабимизда ўз тақдирини ҳарбий, ички ишлар, миллий

гвардия, божхона ва бошқа соҳалар билан боғлашни ният қилган мард ва жасур ўғлонлар таълим олади. Улар 9-синфни тамомлагандан сўнг белгиланган тартибга кўра, қабул қилинади. Умумтаълим фанларидан ташқари, авиация, Шарқ яққакураши ва жанговар ҳарбий тайёргарликни оширишга имкон берадиган амалий машғулотларда ҳар бир тарбияланувчи ҳар томонлама чинқиқиб боради. 11-синфни тамомлагач, битирувчилар ўз хоҳиш-иродалари билан турли олий ўқув юртларида таълимнинг кейинги босқичини давом эттиришлари мумкин. Агар 2022 йилда 98 фоиз битирувчимиз олий таълим муассасаларига қабул қилинган бўлса, 2023 йилда 100 фоизлик натижа қайд қилинди.

Спортнинг барча турлари инсон саломатлигини мустаҳкамлайди, у организмни чинқитирувчи, тобловчи ва тикловчи воситадир. Спорт ирода-тоқатни тарбиялайди. Бугун мамлакатимизнинг қайси туманига борманг, кўплаб спорт турлари билан шуғуллашни имконияти яратилган таълим масканлари ва клубларига дуч келасиз. Спорт турлари билан мунтазам равишда шуғуланган ўғил болаларга разм солсангиз, жуссадор, келбатли, фикри ҳам қатъий. Самарқанд вилоятининг Кўшработ тумани марказида фаолият кўрсатаётган спорт мактабида жисмонан чинқиқини ўз олдига қатъий мақсад қилган юзлаб ёшларни учратасиз.

– Ўғил болани жисмонан ва руҳан соғлом ривожлантиришда спортнинг барча турлари қўл келади, – дейди Кўшработ туманидаги спорт мактаби директори Давлат Мирзанов. – Мактабимизда 18 та спорт тури бўйича тўғра ташкил қилинган. Утган йили «Ташаббусли бюджет» лойиҳаси асосида мактабимиз тубдан капитал реконструкция қилинди. Барча спорт жихозлари янгиланди. 1112 нафар ўқувчидан 793 нафари ўғил бола.

Уларда йигитларга хос қатъият, шижоат, мардлик, эҳтиш, уддаборлик каби хислатларни шакллантиришда машғулотларнинг мунтазам равишда ўтказилаётгани муҳим аҳамият касб этмоқда. Ўзини ҳар томонлама тоблаб, зуваласини пиштириб борган ўсмир йигитлар касб-кор танлашда, мураккаб вазиятларда мустақил қарор қабул қилиш ва оилани бошқаришда қийналмайди. Илк машғулотларда бериладиган амалий кўникмалар бора-бора уларни маҳоратли спортчига айлантирмоқда. «Беш ташаббус» олимпиадасида волейбол бўйича мактабимиз терма жамоаси республика чемпионатида биринчи ўринни қўлга киритди. Кураш, бокс, футбол, Турон яққакураши, бадминтон, гандбол бўйича эришаётган натижаларимиз ҳам чакки эмас.

1993 йил 29 декабрь. Шу кун 14 январь юртимизда Ватан ҳимоячилари кун, деб эълон қилинди. 1994 йилдан бошлаб нишонланаётган ушбу сана халқимиз онги ва шууридан чуқур жой эгаллади. Ўша кун барча ҳарбий қисмларда, муҳофаа тизимига қарашли муассасаларда тантанали мусиқа янграйди. Давлатимиз раҳбари Ўзбекистон Куролли кучлари тизимида хизмат қилаётган барча ходимларга байрам табриги йўллади. Мард ва жасур ўғлонлар Ватанимизнинг юксак унвон ва медаллари билан тақдирланади. Нурунийлар «Осмонимиз мусаффо, юртимиз тинч бўлсин!», дея дуога қўл очишади. Опа-сингилларимиз ўз яқинларига совға улашади.

Илоҳим, Куролли кучлари тинчлик ва осойишталик учун сергак турган Ўзбекистонга кўз тегмасин!

Ҳулқар ТҶИМАНОВА,
Ўзбекистон Республикасида
хизмат кўрсатган журналист



ЎЗБЕКИСТОН ДАВЛАТ МУАССАСАЛАРИ ВА ЖАМОАТ ХИЗМАТИ ХОДИМЛАРИ КАСАБА УЮШМАСИ ТОШКЕНТ ШАҲАР КЕНГАШИ

юртимиздаги барча ҳарбий хизматчиларни

14 январь – Ватан

ҳимоячилари кунин билан чин дилдан табриқлайди!



Ватан ва юрт
ҳимояси буюк, азгу,
шарафли ва муқаддас
бурғ эканлигини англаган
ҳолда хизмат қилаётган
элларвар ва жасоратли
инсонларга оилавий бахт
ва барқамоллик
тилайди.

Осмонимиз ҳамisha мусаффо, тобора гуллаб-
яшнаётган юртимиз доимо тинч бўлсин!



ГОҲ БУРГУТ, ГОҲ ОВЧИ, ГОҲ ШАРПА БЎЛИБ...

Мудофаа вазирлигининг «Чимён» тоғ тайёргарлиги ўқув-машқлар маркази ва унинг жойлардаги базалари ҳарбий хизматчиларнинг касбий маҳоратини ошириб боришда муҳим аҳамият касб этади. Ўқув машғулотларининг мавсумий ташкиллаштирилиши эса мутахассислар турли рельефли ҳудудларда эркин ҳаракатланиши ва шароитга мослашишни таъминлайди.

Марказда бўлиб ўтган ўқув-машғулотлар давомида тоғ ишғол гуруҳлари вертикал ҳаракатланиш, тик қояларга кўтарилиш ва тушиш, узоқ масофага марш юриш, пастдан юқорига, юқоридан пастга жанговар қуроллардан тунги ва кундузги шароитларда отиш, сув тўсиқлари, тоғ дараларидан арқон ёрдамида ўтиш каби бир-биридан мураккаб машқларни бажаришди. Шунингдек, тоғ шароитида ярадорларга биринчи тиббий ёрдам кўрсатиш, разведка-қидирув, тактик ҳаракатланиш бўйича топшириқларни адо этиш асноси ўз маҳоратлари ва кўникмаларини намойиш этишди.

Ҳарбий хизматчилар узлуксиз алоқа, аниқ мўлжалга олиш, параллан ва чанғида учиб, отлик гуруҳларда ҳаракатланиш чоғи хатога йўл қўйиш қандай оқибатларга олиб келишини яхши англайдилар. Шу боис вазифалар «Тоғ шарпаси», «Тоғ овчиси», «Тоғ бургути» ўқув дастурлари асосида такомиллаштирилиб, иштирокчилар тажрибаси ошириб борилаверади. Ўқув-услубий йиғин давомида уларга тажрибали йўриқчи сержантлар бириктирилиб, бажарилган ҳар бир ҳаракат ҳолис баҳоланди. Тоғ ишғол гуруҳлари ўқув-услубий йиғин шартлари бўйича топшириқларни бажараётганида уларнинг ҳаракатларида аниқлик, уюшқоқлик, қатъийлик кўзга ташланиб турди. Эрта тонгдан қош қорайгунча давом этган машқлар пайти ҳар бир гуруҳ ўз олдида қўйилган мақсад йўлида навбатдаги тўсиқларни энгиб ўтишга ҳаракат қилди.

Марказда мунтазам ўтказиб келинадиган ўқув дастурлари самараси тоғ ишғол гуруҳлари ҳаракатларида яққол кузатилди. Ўт-ўланлар орасига шарпа сингари яширинган мерган, параланда бургут сингари осмонда парвоз қилаётган «бургутлар», қиска фурсатда «Катта Чимён» ва «Овчи» чўққиларини забт этган «овчилар» ўз ишларининг усталарига айланишган. Бинобарин, биз ҳарбий хизматчиларнинг тик қояларга дадил-чаққон кўтарилаётганини кўриб, уларнинг маҳоратига тан бердик.

Бундай машғулотлар ҳарбий хизматчиларнинг жанговар шайлигини оширишдан ташқари, улар орасидан етакчиларни саралаб олиш имконини ҳам беради. Марказ бошлиғи майор Фаррух Тошевнинг таъкидлашича, йўриқчи сержантликка даъвогарлар рўйхатини шакллантириш машқларни сидқидилдан бажаришга бўлган интилишни янада кучайтиради. Натигада фаол ва тажрибали йиғин қатнашчилари орасида соғлом рақобат кучайиб, топшириқларни масъулият билан бажариш хисси ортади.

Шуни ҳам эслатиб ўтиш жоизки, ёзги ўқув-услубий йиғин марказининг «Саридала», «Олтинқон», «Тошқўрғон» каби ҳудудий ўқув базаларида ҳам давом эттирилмоқда.

Тоғ тайёргарлиги мутахассислиги ва ҳарбий альпинист деган номга осонликча эришиб бўлмайди, – дейди III даражали сержант Абдулвоҳид Хомиджонов. – Бунинг учун мақсад аниқ бўлиши, машаққатли ҳаракатлар узлуксиз давом эттирилиши керак. Мабодо, улар тўхтаб қолса, ҳаммасини дебочасидан бошлашга тўғри келади. Чунки тоғлардаги ҳар бир чўққи ва ҳар бир қояда, дара ва жарликда, сўқмоқ ва сув йўлида ҳаракатланиш бўйича мавсумга қараб қарор қабул қилинади. Шу боис бундай вазиятларда хатога йўл қўйиб бўлмайди. Босиб ўтиладиган ёки жанговар топшириқ бажариладиган ҳудуд умуман нотаиниш бўлиши ҳам мумкин.

Яна бир гап. Тоғ жангчилари топшириқни муваффақиятли бажара олишлари учун улар орасидан кимдир етакчиларни кўлга олиб, гуруҳнинг қоядан, жарликдан ва сув тўсиқларидан ўтишини таъминлаши лозим. Абдулвоҳид Хомиджонов эса халқаро армия ўйинларининг «Эльбурс халқаси» йўналишида бир неча бор қатнашиб, совриндор бўлган. Халқаро мусобақаларда ва бу ерда орттирган тажрибалари хизмат бурчини ўташи ва топшириқларни бажаришида жуда қўл келмоқда.

Асрор РЎЗИБОВ,
журналист

Реклама

«ЎЗБЕКТЕЛЕКОМ»

акциядорлик компанияси жамоаси

барча юртдошларимизни

ЎЗБЕКИСТОН РЕСПУБЛИКАСИ ҚУРОЛЛИ

КУЧЛАРИ ТАШКИЛ ЭТИЛГАННИНГ

32 ЙИЛЛИГИ ҲАМДА ВАТАН

ҲИМОЯЧИЛАРИ КУНИ

билан самимий муборакбод этади!

Мамлакатимиз тинчлиги ва хавфсизлиги

йўлидаги фидокорона хизмат қилаётган

барча-барчага мустаҳкам соғлиқ, оилавий бахт,

олижаноб ва масъулиятли вазифаларида улкан

зафарлар ёр бўлишини тилайди.

14

YANVAR

Осмонимиз

мудом мусаффо,


сарҳадларимиз

доимо дахлсиз,

чегараларимиз

ҳар дам мустаҳкам бўлсин!

Хизматлар лицензияланган



«Ishonch» va «Ishonch-Doverie» gazetalarini tahrir hay'ati:

Qudratilla RAFIQOV (tahrir hay'ati raisi),
Ulug'bek JALMENOVI,
Anvar ABDUMUXTOROV,
Sayfullo AHMEDOV,
Akmal SAIDOV,
Ravshan BEDILOV,
Qutimurot SOBIROV,
Suhrob RAFIQOV,
Shoqosim SHOISLOMOV,
Hamidulla PIRIMQULOV,
Nodira G'OIYIBNAZAROVA,
Anvar QULMURODOV
(Bosh muharrirning birinchi o'rinbosari),

Mehridin SHUKUROV (Mas'ul kotib – «Ishonch»),
Valentina MARSENYAK (Mas'ul kotib – «Ishonch-Doverie»)

Bosh muharrir
Husan ERMATOV

Bo'limlar:
Kasaba uyushmalari hayoti – (71) 256-64-69
Huquq va xalqaro hayot – (71) 256-52-89
Milliy-ma'naviy qadriyatlar va sport – (71) 256-82-79
Xatlar va muxbirlar bilan ishlash – (71) 256-85-43
Marketing va obuna – (71) 256-87-73

Hududlardagi muxbirlar:
Qoraqalpog'iston Respublikasi – (+998-99) 889-98-20
Andijon viloyati – (+998-99) 889-90-23
Buxoro viloyati – (+998-99) 889-90-31
Jizzax viloyati – (+998-99) 889-90-34
Namangan viloyati – (+998-99) 889-98-02
Navoiy viloyati – (+998-99) 889-90-28
Samarqand viloyati – (+998-99) 889-90-26
Sirdaryo viloyati – (+998-99) 889-98-55
Surxondaryo viloyati – (+998-99) 379-19-70
Toshkent viloyati – (+998-99) 600-40-44
Farg'ona viloyati – (+998-99) 889-90-24
Xorazm viloyati – (+998-99) 889-98-01
Qashqadaryo viloyati – (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart.
Mualliflar fikri tahririyat nuqtai nazaridan farqlanishi mumkin.

Navbatchi muharrir:
S. Abdurahmonov

Musahhihlar:
D. Xudoyberganova,
D. Ravshanova

Sahifalovchi:
H. Abdullajilov

Bosishga topshirish vaqti – 01:10
Topshirildi – 01:30

Bahosi kelishilgan narxda

Manzillimiz:
100165, Toshkent shahri,
Buxoro ko'chasi, 24-uy.
E-mail: ishonch1991@yandex.uz

Gazeta haftaning seshanba, payshanba va shanba kunlari chiqadi.
Gazeta «Ishonch»ning kompyuter markazida teriladi va sahifalandi.

Nashr ko'rsatkichi: 133

Umumiy adadi 35 018

Shundan:
7540 nusxasi
«Sharq» nashriyot-matbaa aksiyadorlik kompaniyasi bosmaxonasi – Toshkent shahri, Buyuk Turon ko'chasi, 41-uyda;

19 016 nusxasi
«Erudit» MCHJ bosmaxonasi – Samarqand shahri, Spitamen ko'chasi, 270-uyda;

8462 nusxasi
«Poligraf-Press» MCHJ bosmaxonasi – Marg'ilon shahri, Turkiston ko'chasi, 236-«b» uyda chop etildi.

Gazeta ofset usulida, A-2 formatida bosildi. Hajmi 4 bosma taboq. Buyurtma 22

1 2 3 4 5 6